



Заложуйте свои вкладки до Централи або до філіялів

ПОДКАРПАТСКОГО РУСЬКОГО БАНКА

Стан вкладок: Кч. 30,000.000. :: Резерви: Кч. 610.000.

Філії: Мукачево, Хуст, Пряшев.

В всяких фінансових и господарских дѣлах доставить Вам скору, точну и безплатну пораду

ПОДКАРПАТСКІЙ БАНК В УЖГОРОДЪ

Своими заощаджеными гелерами при доброму опроцентованю капитала подпираите свой народный

ПОДКАРПАТСКІЙ БАНК В УЖГОРОДЪ

Свой до свого! Истинно народна, руська и славянска інституція
ПОДКАРПАТСКІЙ БАНК В УЖГОРОДЪ

Пересилки доляров до Америки з дозволом Банковного Уряду
выконує

ПОДКАРПАТСКІЙ БАНК В УЖГОРОДЪ

Переказы до Галичини, Польщъ и до других держав Европы
и Америки выконує найвыгоднѣйше

ПОДКАРПАТСКІЙ БАНК В УЖГОРОДЪ

Америцкѣ десеквестраціѣ, асекураціѣ и компензаціѣ за померших
в Америцѣ переводить

ПОДКАРПАТСКІЙ БАНК В УЖГОРОДЪ

За вкладки (льокаціѣ) ощадностей и капитала платить наш
ПОДКАРПАТСКІЙ БАНК В УЖГОРОДЪ

5%—6%.

Подорожну канцелярію, продаж желѣзнодорожных карточок на
цѣлу територію Чсл. Республики и до всѣх сторонах свѣта має

ПОДКАРПАТСКІЙ БАНК В УЖГОРОДЪ

ПОДКАРПАТСКІЙ РУСЬКІЙ БАНК

В УЖГОРОДЪ, ПЛОЩА МАСАРИКА Ч. 11.

Число 10. Ужгородъ 1. октября 1926. Рочникъ VI.

БЛАГОВѢСТИК

ДУХОВНА ГАЗЕТА ДЛЯ ПОДКАРПАТСКИХЪ РУСИНОВЪ

ПРЕДПЛАТА:

на рокъ . . . 10— Кч.
за границю . . . 20— Кч.
до Америки . . . 1— д.
Одно число 1 Кч.

Выходить разъ на мѣсяць

А л р е с ъ:
Редакція: Kapitulska ulica č. 10.
Администрація: Монастыръ О.О.
Василіян, Ужгородъ, Раковци 52.

ОБЯВЛЕНИЯ:

принимаются по цѣнѣ:
за одну стор. . . . 200 Кч.
за половину стор. . 120 Кч.
за чверть стор. . . . 65 Кч.

Христосъ — нашимъ царемъ.

Нынѣшній свѣтъ далеко отступивъ отъ Христа. Днесъ царствуе въ свѣтѣ не Христосъ але діяволъ, не Христова наука, але мудрость тѣла, матеріѣ и змысливости. Днесъ не горѣ до неба позирають люде, але на землю, не въ небѣ глядають царство, але на землѣ хотятъ собѣ обезпечити рай. А выслѣдъ? Розпуста, война, несогласіе, кровопролитіе, вражда, ненависть, убійство — словомъ мѣсто рая пекло.

Христовъ намѣстникъ, наслѣдникъ св. Петра, кому повѣreno „пасти“ стадо Христовое зъ болемъ сердця дивиться на сію руѣну чоловѣчества. Коли ступивъ на престолъ св. Петра нарочно выбравъ собѣ гасло: миръ Христа — въ царствѣ Христовомъ. Одъ того часу неутомимо працює надъ тымъ, чтобы въ сердцахъ людей запановавъ не духъ сего свѣта, але духъ Христа; чтобы не діяволъ, не матерія царствовали въ душахъ людскихъ, але Христосъ и его наука. Минувшого ювілейного рока же выдавъ воззваніе до всего христіянского свѣта и опредѣливъ одну окрему недѣлю для святкованя Цара-Христа. Повинуючися сему воззванію, епископы на цѣломъ христіянскомъ свѣтѣ опредѣлили, что послѣдня недѣля мѣсяця октября най буде посвящена Христу-Царю; най каждый христіянинъ одчуе, что онъ е вѣрникомъ, подданникомъ Царя Всевышняго, най оставитъ служити свѣтови и

грѣху и подоїме сердце до неба, где царствує царь всіхъ царей — Іисусъ Христосъ.


Най царствує Христосъ на земли! Най не буде така велика розниця межи бѣдними и богатыми, най не буде понижений той, кто изъ працѣ своихъ рукъ жіе, най буде конецъ той несправедливости, что одинъ жіе въ достаткахъ, а другій въ крайній нуждѣ.

Най царствує Христовъ духъ и въ державѣ! Най держава честує законы Христовѣ, най честує свободу Церкви, най помагає Церкви Христовой въ розширеню любви, згоды, благодати Христа меже людьми!

Най царствує Христовъ духъ и въ фамилії! Чтобы супруги жили въ согласію и любви, чтобы зносили взаємно трудности житія и выховали свої дѣточки въ богообойности. Чтобы не глядали въ супружескомъ житію лише змысливость, але и тяжкѣ повинности. Чтобы тѣ дѣти такъ дивилися на тихъ родичовъ, якъ на заступниковъ Бога, и односилися къ нимъ съ почестю и любовію.

Се хоче нашъ Царь, Іисусъ Христосъ! Най буде та недѣля „Христа Царя“ осторогою, напоминаніемъ для насъ:

Чоловѣче, ты христіянинъ! Ты ношишь имя Христа, ты его вѣрникъ! Не дай, не допусти, чтобы въ твоемъ сердцю, въ твоїй фамилії, въ твоемъ селѣ, въ твоїй державѣ діяволь царствовавъ, але всіми силами старайся на то, чтобы миръ Христа и царство Христа заняли свое побѣдоносное мѣсто такъ въ твоемъ сердцѣ, якъ въ цѣломъ широкомъ свѣтѣ.

Въ каждомъ христіянскомъ домѣ повинна читатися газета „Благовѣстникъ“. Онъ не только обороняє и укрѣпляє вѣру, но одновременно ширить христіянскій духъ и культуру. 



Стойте во вѣрѣ!

Въ попередныхъ числахъ „Благовѣстника“ займалисмеся вопросами поставленными намъ Георгіемъ Михайлюкомъ, котрѣ доторкали прямо св. вѣры. Здається намъ, что нашѣ читателѣ увидѣли, якъ баламутнѣ суть твердженя сихъ, котрѣ отпали отъ единоспасительної Церкви Христової, а якъ противно простиња и ясна е наука Христової обручницѣ, св. каѳолическої Церкви.

Теперь перейдеме до другої части поставленныхъ вопросъ, котрѣ относятся до св. Тайнъ и будеме измагатися дати на нихъ якъ отвѣтъ науку Христової неомильної Церкви, чтобы въ сей способъ усунути баламутство, якое выкликали у нась безвѣрнѣ и безсовѣсти агитаторы.

II. Св. Тайны.

1. Св. Крещеніе.

Вопросъ: „Чому схизматики при крещенію свої дѣти погружають, а наша Греко-Римска Церковь не погружає во воду при крещенію?“

Доки даме отвѣта на сесь вопросъ, пригадаеме науку св. Христової Церкви, что св. Тайны суть установленѣ самимъ Іисусомъ Христомъ на освященіе и спасеніе нашихъ безсмертныхъ душъ. Св. Тайнъ е съмъ, ни больше ни менше: Крещеніе, Миропомазаніе, Евхаристія, Покаяніе, Елеосвященіе, Священство, Супружество. — Лютри и Кальвины даякѣ Тайны отвергли, бо они не были имъ во смакъ, а задержали лише

даякъ. — Не всѣ Тайны суть однаково потребнѣ до спасенія. Даякъ изъ нихъ изъ установы самого Іисуса Христа суть неотмѣнно потребнѣ, ишѣ же лишь хосеннѣ.

Св. Тайны суть то внѣшнѣ, видимѣ знаки невидимоѣ благодати. Черезъ св. Тайны спливає на насъ Божа благодать освѧщающа. Кожда св. Тайна вливає тоже въ насъ силу и крѣпость до сего, чтобы мы могли совѣстно и точно сповнити обовязки нашего стану. Абы Тайна была важною и абы черезъ ю сплила на душу ласка освѧщающа, треба неотмѣнно, абы при еї справованю была ужита установленна Іисусомъ Христомъ отвѣтна матерія и форма. Если хибуете одного ци другого, тогда и не буде Тайны и нѣчого она не хоснует.

Изъ установы Іисуса Христа першою и неотмѣнно потребною до спасенія е св. Тайна Крещенія. Св. Крещеніе змиває зъ душѣ нашоѣ грѣхъ первородный, удѣляє намъ Божу ласку освѧщающу, изъ невольниковъ сатаны дѣлає дѣтьми Божими и наслѣдниками неба. Черезъ св. Крещеніе стаеме членами избранного Христового Стада, св. каѳол. Церкви и сеся Тайна дає намъ право до сихъ ласкъ, якъ суть потребнѣ намъ до праведного христіянского живота. Св. Крещеніе вытискає тоже на нашей душѣ незатертое знамя-печать Христовы хъ учениковъ, христіянъ. Крестити не можна нѣкого больше разовъ, лише одинъ разъ. Если дорослый пріймає Тайну св. Крещенія, то доступає въ ней не лишь прощенія первородного грѣха, но и всѣхъ іншихъ особистыхъ (личныхъ) грѣховъ, якъ учинивъ во своеімъ животѣ, если одначе за нихъ кається. — Се правда св. вѣры, яку вызнаємо словами: „Крѣю въ єдине Крещеніе во Оставлѣніе грѣховъ“.

Порядочно крестити може епископъ и священникъ, но въ разѣ потребы може важно окрестити каждый: мужъ, ци жона, такожъ и некрещеный, прим. жидъ або поганинъ, абы лише здѣлавъ се, что изъ установы Іисуса Христа здѣлати належить.

До важности св. Крещенія треба по розказу Іисуса Христа змити крещаемого водою и ровночасно сказать слова: „Крещається рабъ(а) Божій(а) въ ім'я Отца й Сына й св. Духа“. Изъ сихъ словъ нѣчого не можна пропустити ци вылишити. Тоже неважное было бы крещеніе, коли бы кто крестивъ чимъ іншимъ, а не водою (прим. виномъ, пивомъ, паленкою).

Св. Крещеніе кончится отъ давенья давна во св. Церквѣ Христовой черезъ погруженіе крещаемого во водѣ, черезъ поливаніе водою, а даже черезъ покропленіе водою. Всѣхъ сихъ способовъ св. Церковь употребляла, но зъ часомъ одного изъ нихъ частѣйше хосновали якъ другого, хотїй и другого не осуждала св. Церковь. На востоцѣ теперъ крестять звычайно черезъ погруженіе, на западѣ черезъ поливаніе. Одно и другое е добро и святое, ибо св. Церковь на обое

позволяє и жадного не осуждає! — Никто отже не має права одинъ ци другій способъ осуждати! — Уже въ першихъ часахъ христіянства употребляли при крещенію погруженія и поливанія, якъ се знаєме ізъ писемъ св. Отцовъ и першихъ Соборовъ. — Крещеніе бо означає изъ волъ Іисуса Христа очищеніе душъ черезъ ласку св. Духа, а видимымъ знакомъ сего очищенія має быти очищеніе водою. Водою же обмиваєшся не лише тогда, коли купаєшся во водѣ ци въ посудинѣ великої (прим. въ калѣ), але и коли омиєшся въ мисцѣ ци лаворѣ. Навѣть окропленіе водою означає очищеніе, якъ се и говориме въ 50-омъ псалмѣ: „Окропиши мѧ йсопомъ й очищься, Омієши мѧ й паче сніка ѿбѣлюся“. Кто изъ насъ хоче обмитися, то не скаче доразъ въ глубоку воду, але суть на се и другъ способы, якихъ употребляють тоже и найтвердѣє схизматицѣ „апостолы“. Не знаю, ци котрый изъ нихъ бѣжить въ зимѣ доразъ до рѣки, коли рано хоче обмыти лицо. Видавъ нѣть! — Ось такъ оно и зъ св. Крещеніемъ. Тяжко хворыхъ або во темницѣ, де не было глубокоѣ воды, крестили, якъ треба было, черезъ поливаніе ци змиваніе водою, а не черезъ погружованье. Держатися же треба при крещенію сего способа, якій приписують требники церковною властію потвердженіе и не свободно нѣкому самовольно змѣняти приписы св. Церкви.

Найже нѣкто не осуджує крещенія удѣльованого черезъ поливаніе водою, ибо се не христіянське. Сесе чинять упертѣ еретики, котрѣ звутся „баптисты“, а и суботники, котрѣ отступили отъ Христовоѣ истины. А чому св. Мати Церковь выбрала радше сей якъ іншій способъ и его приписала держатися, се уже не наше дѣло. Св. Тайни, якъ и цѣлу свою Божу науку передавъ Божественный нашъ Спаситель св. своей Церкви и она найлѣпше знає, что и якъ треба чинити въ дѣлѣ вѣчного спасенія людскихъ душъ, а осуждати св. Церковь Христову и метати на ню болотомъ брехнѣ и клеветѣ, якъ се чинять нѣбыто „православнѣ“ апостолы, се нечестное и безбожное дѣло и найнасъ Богъ небесный отъ сего заваруе!

На дальшѣ вопросы отвѣтиме дастъ Богъ другимъ разомъ.
[Богомолецъ].

Проста бесѣда.

Многоуважаемый пане редакторе!

Подаючи сюю статю въ почтенну редакцію, ласкаво прошу глубокопочтенного пана редактора, чтобы не удивлялся, если замѣтить яку небудь ошибку въ содержанію або въ правописи, потому что я яко чоловѣкъ занимающійся ежедневными господарськими роботами не могу комбинацію стать за однимъ протягомъ списати и яко чоловѣкъ не кончившій совершенно ніяку руську школу, только приватно научившійся руського правописа быти

може, что и нс написавъ статью безъ ошибокъ. Но ввиду того, что въ нынѣшное время наша православна каѳолическа христіянська вѣра терпить разнѣ пренаслѣдованія и нападенія со стороны разныхъ еретиковъ, шизматиковъ и безвѣрниковъ и потому святою должностю является каждого вѣрного члена каѳолической Церкви стати въ зашиту нашей святой вѣры и боронити єї, если обстоятельства требуютъ, на жизнь и на смерть. Съ поводу этого и я рѣшивъ съ своимъ перомъ пойти на помочь нашей единственной духовной газетѣ „Благовѣстникъ“, котра уже б роковъ бореся за оборону нашої святої вѣры, и написавъ сю перву мою статью, и если Богъ небесный позволить то и надальше буду дописовати.

Прошу васъ, пане редакторе, заслати менѣ вашъ журналъ, чтобы я бывъ лучше информованъ о всѣхъ положеніяхъ нашої святої каѳолической Церкви.

Тишово, 21. IX. 1926.

Остаюся съ совершеннымъ почтеніемъ:

Лука Чешокъ.

Іванъ: Слава Іисусу Христу!

Михайло: Слава на вѣки Богу.

Іванъ: А куда такъ спѣшили куме Михайло! Мало почекайте! Тадь днесъ и такъ недѣля! Е коли стати и поговорити мало и такъ давно есме ся видѣли, бо подла хвиля людей лемъ по домамъ непрестанно задержуе, такъ что и роботу не дає порядочно докончiti.

Михайло: Не дуже оно такъ и маю часъ стояти и говорити бо спѣшу до Сруля, дуже ми чось треба.

Іванъ: До Сруля? Ой та не мусите такъ спѣшили бо и такъ го не найдете дома. Я Струля видѣвъ дась 20 минутъ тому назадъ, что пошовъ долу путьомъ. Казавъ, что иде до мѣста. Можете стати та поговорити собѣ мало. Кажѣть якъ вы ся маєте? Что у васъ тамъ чути у вышньомъ конци? Ци здоровъ' съте тай ваше семейство? Что у васъ чувати нового?

Михайло: Та нового не е ничъ до сего часу, еще може лемъ буде, правѣ иду до Струля на папѣрь.

Іванъ: На якій папѣрь?

Михайло: Та на такій, что на немъ ся протоколь пише.

Іванъ: Та въ руськомъ склепѣ не е?

Михайло: Може и е, айбо я тамъ не повертаю, бо менѣ запретили чтобы я тамъ не ишовъ, бо Лукачъ твердый уніять, та чтобы не вызнавъ нашѣ планы что мы хочеме робити.

Іванъ: А что? Не дай Боже! Дуже удивляюся на томъ, что якійсь планъ одного русина скорше може перезнати жидъ, нехристъ, якъ коли свой чоловѣкъ, а еще такій якъ Лукачъ, мудрый чоловѣкъ, который може и пораду добру дати въ даякомъ мудромъ дѣлѣ. Та ану будьте ласкавѣ, розповѣжте и менѣ, что тамъ такого хотите робити.

Михайло: У насъ днесъ вечеромъ Михайло Кривулишинъ и Василь Зубалишинъ хотятъ заложити православный комитетъ. Уже е насъ такихъ больше, котрѣ заявили сме свое выступленіе изъ уніятской вѣры въ окружномъ урядѣ. Тотъ батюшка

1926. рок.

„БЛАГОВѢСТНИКЪ“

Сторона 151.

изъ К....ы казавъ, что у нась доты дѣло не буде въ порядку, доки не будеме мати свою церковну православну общину, днесъ того хочеме зробити.

Іванъ: Та вы до теперъ якъ были, не православнъ? Я думаю, что мы всѣ и до сего часу были православными и если хочеме быти добрыми христіянами и желаеме достигнути ласки Божоѣ освящающої, то черезъ цѣлый нашъ животъ ажъ до смерти довжнъ съме крѣпко придержоватися вѣры православной христіянской каѳолической и не отступиме одь неѣ ани на крокъ. Бо наколи одь неѣ отступиме, сейчасъ затяглисъмє на себе гнѣвъ и образу Божу, утратили ласку Всеvышняго, котру достигнути можъ назадъ лемъ черезъ сердечный жаль и истинное покаяніе.

Михайло: Мы до теперъ были уніятами, а теперъ, коли є свобода то Василь Зубалишинъ казавъ, что всѣ русины довжнъ перейти на православіе.

Іванъ: А что вы розумѣете подъ словомъ „Унія“?

Михайло: Та соединеніе зъ Римомъ.

Іванъ: То вы не хотите быти соединенъ зъ Римомъ, то есть вы не признаете Папу Римського за видиму голову Церкви Христової?

Михайло: Я нѣтъ, бо я папежомъ не хочу быти.

Іванъ: Я вижу, что вы куме уже мало зараженъ злымъ духомъ, духомъ сатаны, который ходить якъ вовкъ въ овечої кожи помежи благочестивыми вѣрниками и добрыми христіянами, изкушаючи и зводячи ихъ зъ истинного пути на путь ведущій въ пропасть и вѣчну погибель. Та ану будьте добре, я вамъ потолкую дачто и вы порозумѣете мене и будете видѣти, же где правда, на котрой сторонѣ. Вы въ каждодневной молитвѣ въ „Вѣрую“ сами говорите, же вѣруете „во едину святую, соборную и апостольскую Церковь“. Таке добре намъ треба изслѣдити и знати, котра е Церковь „соборна апостольска“. Вы дуже много разъ чули одь нашего отца духовного, что казавъ намъ изъ святого писанія, что „Единъ есть Богъ, едина вѣра, едино крещеніе“ и кедь святое Писаніе такъ говоритъ, то неотмѣнно только одна довжна быти вѣрою истинною и спасительною. Теперъ намъ треба знати, котра тата вѣра буде истинна, правдива, православна вѣра.

Покойный каноникъ, а позднѣйше капитулярный викарій Іоаннъ Кутка написавъ 1804-го року катехизмъ, въ котромъ онъ пише, что „Вѣра православна, христіянска, каѳолическая есть даръ Божій, котримъ чоловѣкъ на душѣ просвѣщений, если крѣпко вѣруеть и исповѣдуеть, то вшитко, что Богъ изявивъ, и что святая Мати Церковь приказуєть вѣровати и исповѣдати“. Значить, тотъ чоловѣкъ можетъ называтися православнымъ, котрый точно исповѣдує и прилѣжно держитъ то вшитко, что

Богъ, то есть Іисусъ Христосъ бывши на земли якъ чоловѣкъ, своими божественными устами проповѣдавъ, и что дальше свята Мати Церковь, то есть апостолы, а позднѣйше святѣ отцы на святыхъ Вселенскихъ Соборахъ установили и приказали вѣровати и исповѣдати. Теперь попозерайме, ци придержуються тоты „схизматики“, котрѣ въ днешньомъ часѣ всяды по селамъ кричать и хвалятся своимъ будто православіемъ, тыхъ словъ, тѣмъ Божественноѣ науки, что намъ лишивъ сладчайшій нашъ Спаситель Іисусъ Христосъ, котра наука помѣщается днесъ въ святомъ Евангелію.

Чули вы того много разъ въ церкви одъ нашего отца духовного, что Іисусъ Христосъ истинный Богъ, друга во Тройцѣ святой особа, лишивъ свой небесный престолъ, прїшовъ на землю, взявъ на сесе тѣло чоловѣческое, чтобы откупити родъ чоловѣческій отъ погибели пекельної и извести его отъ рабства діавола. Понеже Іисусъ Христосъ прїшовъ доповнити и обновити законъ Мойсеевый, то есть основати нову вѣру, то спередъ начатіемъ своеї божественної науки, изобразивъ онъ себѣ 12 апостоловъ для распространенія и преподаванія своей науки по цѣлому свѣту всѣмъ народамъ якъ онъ самъ казавъ, „Шедше во міръ весь и проповѣдайте евангеліе всей твари“ (Ев. отъ Марка XVI. 15.) его вѣра, его наука по его словамъ должна существовати до скончанія свѣта. Но понеже Іисусъ Христосъ яко Богъ истинный не желавъ перебывать туй на земли до скончанія міра яко чоловѣкъ, ибо онъ послѣ исповненія своеї повинності, то есть послѣ своихъ страданій и смерти, которую пріявъ за родъ чоловѣческій, по своемъ славномъ воскресенію онъ довженъ бывъ возвратитися на свой небесный престолъ, откуду прїшовъ на сю землю, то онъ избрavъ управителемъ своеї Церкви и новооснованной вѣры одного изъ между двадцятьохъ апостоловъ, а именно апостола Петра и то дуже ясно свѣдчать слова находящіяся въ Евангелію отъ Маѳея: „Іришедъ Іисусъ въ страны Кесаріи Філіпповы во ірошаще ученики скомъ глагола: „Кого ма глаголють чловѣкы быти сына чловѣческаго?“ Они же рѣша: „Овіи оубо Іоанна Крестителя, ини же Йлію, дрѹзій Іеремію или єдинаго отъ пророка“. Глагола имъ Іисусъ: „Бы же кого ма глаголете быти?“ Огвѣщающъ Симонъ Петро и рече: „Ты еси Христосъ синъ Бога живаго“. И отвѣщающъ Іисусъ, рече єму: „Блаженъ еси Симоне, яко плотъ и крокъ не гави тебѣ сіе, но Отецъ мой иже на небесѣхъ. И азъ таємъ глаголю яко ты еси Петро и на сеъ камени созиждъ церквъ мою и врата адова не одолѣютъ сї. И дамъ ти ключи царствія небеснаго и еже аще свлажиши на земли, свлазана будутъ на небесѣхъ и еже аще разрѣшиши на земли, разрѣшена будутъ на небесѣхъ“.

Изъ сего святого доказу видиме то, что Іисусъ Христосъ избравъ наслѣдникомъ своимъ, видимою головою церкви своеї

апостола Петра, только одного чоловѣка, и только Петрови передавъ повну власть то есть ключъ церкви своея, а не четырьомъ або пятьомъ, такъ якъ то проповѣдають схизматицѣ батюшки и разнѣ агитаторы называюч්ся православными. И если Іисусъ Христось избравъ видимою головою церкви своеї одного свѣтскаго чоловѣка рыбаря въ особѣ Петра, а казавъ, что его церковь, котру онъ збудовавъ, и котрої церкви управлениe передавъ Петрови, довжна существовати до скончанія свѣта подъ евангельскимъ доказомъ: „И вѣра адова не одолѣютъ сї“ (отъ Маѳея VI. 10), то неотмѣнно тата власть довжна была перейти по смерти апостола Петра на его наслѣдника и такъ довжна переходити изъ одного на другого до скончанія свѣта. А понеже Петро по Вознесенію Іисуса Христа и по Сошествію св. Духа на повелѣніе самого Бога небесного пошовъ въ городъ Римъ, где бывъ за 25 роковъ епископомъ патріархомъ, то тата власть конечно повинна находитися въ рукахъ римскаго патріарха або по нашему въ рукахъ папы Римскаго.

Теперь же посмотрѣмъ ци могутъ они называтися, або ци справедливо называются они православными, коли они совершенно не признаютъ папу Римскаго видимою головою церкви Христовой, а дакотрѣ блудники и то не признаютъ, же Іисусъ Христось апостола Петра избравъ видимою головою церкви своей; они кажуть, что Іисусъ Христось однаку власть лишивъ всѣмъ апостоламъ. Я вамъ на се наведу еще одинъ дуже легкій и понятный доказъ изъ Евангелія, который вы дуже легко порозумѣете и сами удостовѣритеся, же кто мае правду. Іисусъ Христось при часъ своей Божественной науки много разъ казавъ, что „Будетъ єдино стадо и єдинъ пастырь“. Послѣ своего воскресенія онъ одного разу явився своимъ ученикамъ и якбы для заключенія и потверженія своеї науки каже Петрови: Ци любишъ мене Петре? Петро каже ему: „Сї Господи ты вѣснико люблю тѧ“, а Христось на то каже ему: „Паси овцы мої“. И се повторилося еще два разы. Съ слова Спасителя ясно доказуютъ намъ то, что Іисусъ Христось лемъ только одного Петра выименовавъ пастыремъ того стада, за которое онъ говоривъ, что только одно стадо буде и тому стаду одинъ пастырь мае быти.

Много, много доказовъ могъ бы я вамъ навести иль святого Писанія, котрѣ всѣ свѣдчать на то, что только наша, православна, христіянска, каѳолическа вѣра есть истинною, правдивою вѣрою Христовою, черезъ котру только шкру може чоловѣкъ спасеннымъ статися, если ю прилѣжно держитъ.

Михайло: Богу дякую, что Богъ небесныи миши пришививъ сюда, обимъ ся зъ вами стрѣтивъ и дуже ся радую, что вы менѣ татъ прекрасно вшитко потолковали. Тенгеръ уже я виджу, где правда, теперь уже знаю, что шнитки тата наука,

котру въ днешнихъ часахъ особенно разнѣ агитаторы за юдашскій грошъ голосяять и распространяютъ, вся тóта наука есть фалшива и отъ теперь будуся сокотити якъ лемъ буду годенъ, чтобымъ ся не давъ извести такимъ пройдисвѣтамъ, якъ сутьtotы батюшки, изъ истинного путя, изъ истинной вѣры Христової, ибо въ днешномъ часѣ чоловѣкъ дуже легко може затягнути на себе гнѣвъ Божій, утратити ласку Божу освѧщающую, а по смерти не видѣти лица Божого.

Іванъ: Богъ небесный просвѣтивъ вашъ розумъ и вы порозумѣете правду лемъ треба просити Бога небесного, чтобы утвердивъ и укрѣпивъ васъ въ истинной, правдивой вѣрѣ православной, каѳолической. Онъ есть милосердный отецъ, выслушает молитву каждого чоловѣка и прийме его, если чоловѣкъ съ горячою молитвою и щиримъ сердцемъ на помочь Его призывае.

Михайло: Я виджу, что вы дуже прекрасно знаете святое Письмо толковати, то я уже не иду до Струля на папѣрь, даже и позерати въ ту сторону не хочу, но такой по вечерни зайду до васъ бо дуже люблю послухати вашої прекрасной науки.

Іванъ: Такъ, такъ по вечерни прийдѣть до мене, та покличте еще и сусѣдъ вашихъ та поговориме, же якъ маеме боронитися и боротися противъ тыхъ вѣроломниковъ-еретиковъ и противостати распространенію ихъ ложноѣ, фалшивої науки. Зъ ними сообщатися не треба и на совѣщанія ихъ, якъ майже каждого вечера Василь Зубалишинъ скликуе, не треба ити, но треба собѣ спогадати слова блаженного пророка и царя Давида, где каже: „Блаженъ мѣжъ, иже не иде на совѣтъ нечестивыхъ и на путь грѣшныхъ не ста. Но въ законѣ Господнѣмъ воля его и въ законѣ Господнѣмъ подчается день и нощъ“. (Псал. І. 1, 2).


Михайло: Правду легко порозумѣти, коли е кому ясно и розлучно потолковати. Ци будете по вечерни дома?

Іванъ: Я буду дома по вечерни и каждый вечеръ я дома бываю и смѣло можете приходити, я вдячно прийму и большу пользу будете мати изъ того, якъ коли изъ того что ходите до Василя Зубалишина, бо тамъ лемъ грѣху набираетесь и легко можете и душу загубити.

Михайло: Та здоровъ ся оставайте!

Іванъ: Здоровъ ходѣть зъ Богомъ, а по вечерни приходѣть и больше собѣ поговориме!

Читайте и разпространяйте



„Благовѣстникъ“!

1926. рокъ.

„БЛАГОВѢСТНИКЪ“

Сторона 155.



Изъ мисійного руху.



Стараніемъ Впр. о. Намѣстника Гергія Лещишина была устроена миссія въ Середньомъ и філіялцъ Волковое въ часѣ отъ 4—12 сентября с. г. Проводили еї оо. Василіяне Теофанъ и Стефанъ. Помимо дуже пильної роботы при сѣнокосахъ народъ охотно приходивъ на мисійнѣ проповѣди, котрѣ были голошены двѣчи на день — рано и вечеромъ. Въ св. Спопвѣдяхъ помагали и сусѣднѣ священники. На законченію миссії прійшли процесії изъ сусѣднихъ сель, чтобы хоть дачто захопити изъ мисійныхъ наукъ. До св. Причастія приступило понадъ 800 вѣрниковъ. Майже не знайшовъ бы бывъ никого, кто бы безъ слезъ разставався подъ мисійнымъ Крестомъ зъ міссіонарями, котрѣ черезъ цѣлый тыжденъ обробляли нивку людскихъ сердецъ. Слуханье св. сповѣдей докончилось послѣднього дня повъ четвертоѣ отполудня. Вѣрники сусѣдныхъ громадъ просили, чтобы и до нихъ зайдли міссіонарѣ и збогатили ихъ небесными дарами. Най Господь поблагословить и укрѣпить св. мисійное дѣло!

Вовки меже народомъ. Батюшки бунтують народъ на розбой и убійство.

Звѣстна рѣчъ передъ всѣми людьми, что схизма на Подк. Руси е плодомъ безсовѣстної агитації темныхъ одиницъ. Але до теперъ не мали 'сме щастя зловити сихъ пройдисвѣтовъ и посадити ихъ въ темницю за ихъ похвальнѣ дѣла. Но теперъ уже маеме доказы противъ нихъ и доста свѣдковъ и такъ одбреме ихъ дяку одъ дальнего „апостольства“.

Коли въ Завидовѣ передали намъ нашу церковь и греко-каѳолики ладилися пойти въ церковь на Успеніе, батюшка выголосивъ въ церкви передъ народомъ :

„Теперь я вамъ кажу, же берѣть колы, если уніяты посмѣютъ сюда прійти“.

На се маеме свѣдковъ и за сю „проповѣдь“ батюхъ отвѣчати буде передъ Божіимъ и свѣтскимъ судомъ.

До одного батюха (имя подано уже на прокураторію) прійшли якѣсь „вѣрники“ посовѣтоватися якъ бы можно перевести цѣлое село на „православіе“. Богобойный православный батюхъ давъ имъ таку спасительну пораду :

„Аще хотите православиѣ быти, напередъ убійте уніятскаго духовника“.

Погане не дали такоѣ діяволскоѣ рады своимъ вѣрникамъ и не

уживали такихъ безбожныхъ средствъ, якъ нашъ твердѣ православнѣ батюхи!

Розбой въ Барбовѣ приготовили такожъ тѣ темнѣ батюхи. На праздникъ Успенія отпустъ и посвященіе звоновъ держали вѣрники въ Завидовѣ. Чотыри батюхи постоянно на то бунтовали народъ, чтобы не перепустили церкви уніятамъ. Имена сихъ „проповѣдниковъ Божого слова“ такожъ звѣстнѣ передъ прокураторією.

Мукачевскій жупанъ одъ насъ все лише имена пожадає. Мы уже давно указали на безсовѣстну агитацію батюховъ. Теперь маеме щастя послужити и именами! Лишь чтобы потому бравъ ихъ моцно въ руки! Се пожадає порядокъ и повага державы.

Надѣемеся, что доки съ „апостолы“ спочивати будуть въ холодныхъ келіяхъ арешту и невинный народъ вытвerezиться изъ ихъ науки.

Мѣсячное намѣреніе на октоберъ.

„Евангельска поединчость и простота“.

„Не любите міра, ни йаже въ мірѣ“ каже ся. Апостоль Іоанъ Богословъ (І. 2. 15) и подає причину: „Іщи ктò любитъ міръ, нѣсть любвеї отчи въ нѣмъ: Ікѡ все, йаже въ мірѣ, похотъ плотскâм и похотъ очіма и гордостъ житейскâм, нѣсть їхъ отца, но їхъ міра сего єсть“ (І. Іо. 2. 15—16). Духъ свѧта противиться духови Іисуса Христа. Свѧть любить пописоватися, блестѣти передъ людьми, свѧть гонить за марною славою, свѧть всѣми силами побивається за богатствомъ, за земскими добрами, за уживаньемъ дочасныхъ, тѣлесныхъ, грѣшныхъ утѣхъ. Люди, котрѣ идутъ по згубнымъ засадамъ свѧта, не хотять вязатися жадными правилами, не хотять нѣчого собѣ отказать, въ нѣчомъ себе стягати. Зачерезъ се налазить до ихъ душъ грѣховна погань, а Божое царство, царство любви и благодати Божої пропадає. Сей духъ свѧта втискається неспостережно во всѣ версты людськѣ. Не лишь по городахъ онъ володїє, але и по селахъ находить своихъ приклонниковъ. Онъ заострює горячку захланности. Онъ розбуджує appetitъ (вдяку) до пянства, наповняе корчмы и якъ пявка висисає живу кровію изъ жиль нашего руського народа. Онъ занечищає нашъ родини грязею нечистоты и розпусты та губить нашу руську молодежь. Онъ розпространяє сваволю и безладье. Онъ впроваджує поганську, безвстыдну моду. Онъ доводить до безвѣрія и отступства отъ Бога и св. Его Церкви.

Лѣкомъ на сесь погубный духъ свѣта е духъ Христового Пресвятого Сердца, духъ убожества, духъ смиренности, духъ повздержности, скромности и чистоты. Блаженными называе Господь Іисусъ нищихъ духомъ, кроткихъ и чистыхъ и завзывае насъ всѣхъ до наслѣдованія Его въ сихъ добрѣтельяхъ. И св. Апостолъ Павель пригадуе першимъ христіянамъ, чтобы они варовалися духа сего свѣта, а присвоювали собѣ Христового духа (Ефес. гл. 6.) „Крѣтостъ (скромность, простота) вѣша разѣмна да бѣдетъ всѣмъ чловѣкимъ“, кличе онъ въ посланію до Филипсейовъ (гл. 4. 5 слѣд.). — Молѣмжеся, солодкѣ братя и сестры въ Христѣ, чтобы далекимъ бывъ отъ насъ и отъ всѣхъ людей погубный духъ свѣта, а заволодѣвъ всяды духъ Господа Іисуса! Варуймeseя передъ подступными сѣтями сего зрадливого свѣта, а держѣмся крѣпко науки и примѣру Божественнаго Спасителя нашего!

„Іисусе тихій и смиренного сердца, здѣлай мое сердце по Сердцу Твоему!“

(300 дн. отп.).

ВСЯЧИНА

Ю. Б. въ Бѣлкахъ. Дивно намъ, что вы, брате солодкій, соблазняетесь, что „Благовѣстникъ“, который заступаеся за правдивою Христовою вѣрою и единою Христовою Церквою называе нашихъ отступниковъ „схизматиками“. — Чайже дѣтину треба назвати по-еѣ имени! Симъ не провинюемся противъ любви наказаноѣ во св. Евангелію, ибо св. Іоаннъ Креститель, св. Апостолъ Павель, св. Стефанъ Первомученикъ, а тоже и самъ Божественный нашъ Спаситель се чинили, а зато не будете ихъ посуждовать, что у нихъ любви не было. — Св. Іоаннъ Креститель называе упертыхъ, безвѣрныхъ жидовъ: „плодомъ гадючимъ“ (Ме. 3. 7.). Св. ап. Павель безвѣрныхъ агитаторовъ, что намагаются оттягнути вѣрныхъ отъ Христової науки называе „вовками лютыми“ (Дѣян. 20. 29). — Прочитайте собѣ въ Дѣяніяхъ (главу 7. стихъ 51—53) про св. Стефана Первомученика, который такъ любивъ своихъ вороговъ, что по примѣру Іисуса Христа молиться за нихъ подъ градомъ кам'ня, якъ онъ называе жидовскихъ пановъ и верховодовъ, котрѣ переслѣдовали Христовыхъ исповѣдниковъ. — А самъ Божественный Спаситель, который такъ горячо и нѣжно любивъ всѣхъ не выключаючи и вороговъ своихъ, которому св. Церковь по правдѣ дае имя „чоловѣколюбца“, что каже про сихъ, что противилися Его

слову и другихъ оттягали отъ св. вѣры? — Онъ называе ихъ „пажерливыми вовками“ и каже передъ ними вароватися (Мѳ. 7. 15.), то знова „псами“ и „свиными“ (Мѳ. 7. 6.) и наказуе, чтобы мы сокотили передъ ними святыхъ Божихъ рѣчей. — У св. Іоанна (гл. 8. 44.) дае имъ имя „сыновъ діявола“, отца ложи и чоловѣкоубійца. Онъ зве ихъ тоже „змѣями“, „слѣпыми вождами“, „побѣлеными гробами“, и „лицемѣрами“, и „дурными“ (Мѳ. 23.). Читаеме тоже въ Евангелію, что Іисусъ Христосъ ажъ два разы мотузянымъ бычомъ прогнавъ зъ церкви тыхъ, котрѣ важилися зневажити Храмъ Божій. — Не дивуйтесь протое и не соблазняйтесь, что „Благовѣстникъ“ потомковъ безвѣрныхъ фарисейовъ изводительовъ называе по имени „схизматиками“ — отступниками, бо такими они суть. Мусиме варовати передъ ними нашихъ братей греко-каѳоликовъ, якъ Господь Іисусъ и Апостолы варовали передъ лжепророками фарисеями и другою поганью. Волѣли бы мы, брате милый, зъ ними не заниматися, та не можъ не выгортати смѣя, коли нимъ несовѣстнѣ агитаторы засмѣчують Христову Церковь. Волося на головѣ стае, якъ они безчестять по своихъ новинкахъ и въ проповѣдяхъ насъ греко-каѳоликовъ, нашу св. вѣру и каѳол. Церковь. — Дѣтину все треба назвати по имени. Не чиниме сего изъ ненависти до нихъ, а изъ любови до безсмертныхъ душъ. За сихъ нещастныхъ отступниковъ молимеся и взываеме всѣхъ до молитвы, aby ихъ Господь небесный просвѣтивъ и aby навернулися. — Будьте справедливѣ и для насъ тимпаче, что знаеме, что вы добрый и ревный греко-каѳоликъ и боретесь во своей громадѣ за едину Христову Церковь! Михайлюка мы нигде не назвали „схизматикомъ“ бо его не знаеме, что онъ за одинъ, и розяснююме лише поставленѣ нимъ вопросы и то изъ св. Письма и исторіи Церкви! Богъ зъ нами!

Письмо изъ Совѣтскаго рая.

Газета „Свободное Слово“ приносить письмо сестры одного изъ недавно уѣхавшихъ изъ Паланки, котрѣ туда на пораду безсовѣстныхъ комунистичныхъ агитаторовъ поѣхали глядати „земный рай“. Приводиме тото письмо ниже для наученія всѣхъ, у которыхъ еще дотеперь осталася капля довѣрія къ комунистичнимъ изводителямъ.

„Богъ за грѣхи наказавъ мене, ибо изъ рая попавъ зъ женою и дѣтьми въ правдивое пекло. Мы всѣ даже голодаеме и люде насъ тутъ не розумѣютъ. Они боятся, что мы возьмеме одѣ нихъ землю. — Живеме не въ палатахъ, якъ намъ обѣцали комунисты, а въ землянкахъ, якъ солдаты. Въ землянцѣ не е даже и окна. Въ землянцѣ не можъ и стояти — такъ она низка.

1926. рокъ.

„БЛАГОВѢСТИКЪ“

Сторона 159.

Обѣдъ и вечерю намъ варятъ въ катунскихъ кухняхъ татары. Каждый за обѣдомъ и вечерою иде по солдатски одинъ за другимъ. Дѣти плачутъ отъ голода, потому что имъ не можна нигде купити хлѣба. Жена майже ослѣпла отъ слезъ. Вчера мы — семеро — подали прошеніе, чтобы намъ позволили вернутися въ Подк. Русь. Продай корову, что я оставилъ тебѣ, продай одинъ угоръ землѣ и грошъ перешли на мою адресу, чтобы мы могли вырватися изъ того пекла и вернутися дому“.

(Карп.-Р. Вѣстникъ).

НОВОСТИ

— Шизматики еще немають архієпископа въ Чсл. Республіцѣ. „Православна“ церк. община въ Празѣ достала сими днамъ отвѣтъ одъ Земскоѣ Управы Політичноѣ (зъ дня 2/ІХ. 1926, число 337,547) въ котромъ заявлено, что дотеперѣшна організація правосл. церкви въ Чсл. Республіцѣ незнае жадного архієпископа и что Саватій Врабецъ не е оправненъ изъ огляду державноѣ управы засягавати до публичныхъ односинъ церковныхъ або кончити архієпископскѣ функції. Словомъ держава не узнае его за архієпископа и его розпоряженія не мають характера правосильности. Се вручаеме въ уваги нашихъ урядовъ.

— Розколъ „православноѣ“ церкви на еміграціѣ. Берлинский „Руль“ приносить сенсаційну вѣстку про то, что царо-славно-православна церковь на еміграціѣ „розколюється“. Митрополитъ Евлогій, что е самозваннымъ головою російского „православія“ на еміграціѣ при-

славъ берлинскому епископови Тихонови таку телеграму: „Изъ уваги на Вашъ выступы противъ мене, Вашого законного Архієрея, звольняю Васъ тымчасово одъ выполнованя обовязковъ викарія, благочинного (декана) и настоятеля. Митрополитъ Евлогій“.— Ось такъ и почався емігрантский церковный росколъ. Что не одъ Бога, то и не може быти постоянное!

— Чудо въ Маріяповчи. Новинки доносять, что на праздникъ Успенія превычайное чудо сталося въ церкви Марія Повчанской. Одна 7 рочна нѣма дѣтина, якъ подивилася на чудотворный образъ Пр. Дѣви Марії почала говорити. Мати одъ великого здивованя зомлѣла. Всѣ присутнѣ люде (тысячъ и тысячъ) были свѣдками сеѧ чудесноѣ подѣлъ.

— Великій отпустъ. Дня 28-го августа отбывся великий отпустъ въ Мукачовскомъ монастырѣ. Преосвящ. Петро посвятивъ на презвитера богослова Егрешія. Причастниковъ было понадъ 5000.

— Духовнѣ реколлекціѣ, уладженѣ для духовенства епархіѣ мukачовскї одбылися одь 6. до 10. sept., подъ проводомъ Отця Дра Венделіна Яворки, чина Ис. Товариства. Глубоко ученый отецъ въ 12 медитацияхъ предложивъ житя идеѣ св. апостола Павла, якъ примѣра найлѣпшого духовника, примѣра вѣри, глубокого званія, любви до Христа и Церкви, охоты до работы, любви до вѣрниковъ и пр. Все то было и поучительное и одушевляющее. Въ реколлекціяхъ 65 священниковъ брало участіе. Дня 10. sept. епископскою литургією и спольнимъ причащеніемъ кончилися реколлекції.

— Три новѣ монахинѣ были посвященѣ для службы Божоѣ дня 5-го септембра въ ужгородской катедральной церкви. Обрядъ облеченія кончивъ Преосв. епископъ. Очи наповнилися слезами присутныхъ, коли „служницѣ Божоѣ“ простерлися на земли а епископъ покропивъ ихъ водою священною... Хоръ заспѣвав: Блажени непорочніи въ пѣти ходащіи въ законѣ Господни... Зазвонили звоны и три монахинѣ умерли для свѣта, чтобы жити для Господа Бога...

— Число кардиналовъ т. е. рады Римского Отця года 1925

было: 69. Изъ нихъ: италійцевъ 33, французовъ 7, испанцевъ 5, американцевъ 4, нѣмцевъ 4, изъ другихъ народовъ по 1-1.

— Сытый. Якъ циганъ злапавъ медвѣдя, чго зъ нимъ чинить? Не дае ему ъсти. А чому? чтобы медвѣдь ослабъ. Бо якъ медвѣдь ослабне, циганъ уже не боиться, что медвѣдь на него вержеся, або что утече. Ослабленый медвѣдь то такій благий якъ теля и циганъ може зъ нимъ робити, что хоче. Что циганъ зъ медвѣдемъ, то самое чинять жиды-комунисты и ихъ слуги зъ христіяниномъ. Якъ жидъ-комунистъ злапае христіянина до своеї партії, заказуе ему ходити до церкви. А чому? Чтобы христіянинъ ослабъ на душѣ и не мавъ силы вырватися зъ поганыхъ жидовскихъ рукъ. Доки христіянинъ ходить до церкви и молиться и слухае наказу, доти жидъ-комунистъ не може сму въ носъ запхати карику. Лишъ якъ христіянинъ перестане ходити до церкви а черезъ то ослабне на душѣ, ослабис во вѣрѣ и моральности, жидъ-комунистъ бере его за носъ и робить зъ нимъ всякѣ комедіи. Лишь за двѣ минуты раздумуй надъ симъ брате русине!

(изъ „Свободы“).

Переписка редакції.

Л. Чешокъ. Статя помѣщена. Чекаеме продовженя.
J. Sedney, Amerika. Заженеме вамъ окремый листъ.

Выдає: Монастырь О.О. Василіянъ
въ Ужгородѣ.

Отвѣчательный редакторъ:
Емиліянъ Бокшай.

Книгопечатня О.О. Василіянъ въ Ужгородѣ. Раковція ул. (Монастырь).

Напоминаніе.

Дуже просиме всѣхъ нашихъ предплатниковъ заслати намъ грошъ, належнъ за „Благовѣстникъ“. Задаръ посылати не можеме и никто сего отъ насъ не може жадати. Папѣръ и робота стоить великъ грошъ. Также дуже просиме не забыти на то. Деякъ не платили уже пару роковъ. А се не красно. Такъ люде повиннъ розумѣти, что се є кривда.

АДМИНІСТРАЦІЯ.

Видавництво Чина Св. Василія Великого въ Ужгородъ
улица Раковци 52.

видало слѣдуючъ новѣ книжки:

1. О. П. Швілінські: „Популярні Катехитичні Проповіди“ для католицького народу з німецького переклав о. Др. Я. Левицький; стор. 365, форм. 12⁰. — Цѣна 20.— без пересилки.

2. „Najsvjačišće Serdce Spasiteľa“ korotka nauka, molitvy, moleben i pisni dľa členov najsv. Serdca Isusa Christa, latinskimi bukvami. Stor. 64, form. 24⁰. — Cina Kč 1·50.

Набувати можна:

Книгопечатня 00. Василіянъ, Ужгородъ, Раковци ул. 52.

КАЛЕНДАРЬ БЛАГОВѢСТИКА

на
1927
рокъ

уже появився. Обнимає 11 арховъ печатанихъ, много оповѣдань и наукъ, и стоить только 5 Kč за примѣрникъ. Кто замовляє 10 примѣрниковъ, одержить 1 даромъ. Замовленя слати до Администрації „Благовѣстника“, Ужгородъ, Раковци ул. 52.



„Свой до свого!”

„АКОРДЪ”

ПЕРША РУСЬКА ФАБРИКА
ЗВОНОВЪ ВЪ УЖГОРОДЪ

Найлѣпшѣ звоны править перша
руська ліярня звоновъ „АКОРДЪ”
Капиталъ создали сами наши люде.
Она заряджена по найновѣйшой
техницѣ и ведена перворядными
фаховцями. Мѣстности фабрики на-
ходяться около желѣзнодорожнѣ
станціи въ Ужгородѣ. Тамъ посто-
янно выставленъ образцовъ звоны.
! Найлѣпшій благородный металъ!

Спеціальна марка „Акордъ“ „А“ и „С“ звоны. 10-рочна гарантія.

Замовленя просимо адрессовати:

„АКОРДЪ”, ліярня звоновъ въ Ужгородѣ.

Канцелларія: Ужгородъ, Капитульна улиця ч. 11.

Замовлея можъ передати и въ Подкарпатскомъ Банку.

РУСИНЫ!

Не идѣть до чу-
жихъ, а подпираї-
те свої руськї ин-
ституції

СЛАВЯНЕ!

Першимъ руськимъ ассекураційнымъ товариствомъ есть

„БЕСКИДЪ”

акційное ассекураційное товариство — Ужгородъ.

Принимає ассекураціѣ хижъ и всѣхъ движимостей
и недвижимостей противъ огня, противъ вломовъ,
принимає ассекурацію на житѣе, пензій и пр.

на дуже выгодныхъ уловіяхъ.

Ассекуруйте только у „БЕСКИДЪ”!

Свой до свого!

Глядаеме добрыхъ агентовъ.